

Morning Dogri (NSD) National News Bulletin 16-07-2024

आकाशवाणी

- अमरीका दे साबका राष्ट्रपति डोनाल्ड ट्रंप होरें गी अधिकारिक तौरा पर रिपब्लिकन पार्टी दे राष्ट्रपति औहदे दे मेदवार दे रूपै च नामजद कीता गेआ।
- विदेश मंत्री डॉ.एस. जयशंकर होर अज्ज थमां मॉरीशस दी दो रोजा अधिकारिक यात्रा पर जांगन।
- सुप्रीम कोर्ट नै त्रै जनवरी दे अपने फैसले खलाफ दायर समीक्षा याचिका गी खारज करी दित्ता, जेहदे च अडानी-हिंडनवर्ग मामले च एसआईटी बनाने थमां इंकार कीता गेआ हा।
- भारती मौसम विभाग नै अज्ज पूरे पच्छिम तट ते गुजरात क्षेत्र च मती भारी बरखा दी पेशगोई कीती ऐ।
- अफगानिस्तान दे नांगरहार प्रांत च चानचक्क आए हाड़ें करी 35 लोकें दी मौत ते ढाई सौ थमां मते जख्मी।
- स्वीडन ओपन टेनिस च भारत दे सुमित नागल अज्ज पुरुष एकल दौर च स्वीडन दे इलियास यमर कन्नै मकाबला खेडगंन।

<><><><><><>

Trump

अमरीका दे साबका राष्ट्रपति डोनाल्ड ट्रंप होरें गी रिपब्लिकन पार्टी दे राष्ट्रपति दे औहदे लेई मेदवार अधिकारिक तौरा पर नामजद कीता गेआ ऐ। कल रातीं मिलवाँकी च रिपब्लिकन नेशनल कमेटी दे प्रतिनिधिएं कोला बहुमत हासल करने दे परेंत अधिकारिक तौरा पर नामांकन होइ गेआ। 2016 च जित्तने ते 2020 च राष्ट्रपति जो बाइडेन हुंदे कोला हारने दे बाद ट्रंप हुंदा एह उपरोतली त्रिया नामांकन ऐं अमरीका दे राष्ट्रपति लेई चुनां इस ब'रे नवम्बर म्हीने च होने आले न।

ट्रंप होरें घोषणा कीती ऐ जे ओहियो दे सीनेटर जे.डी.वांस उपराश्ट्रपति दे औहदे लेई उंदी पार्टी दे मेदवार होंगन। 39 ब'रे दे वांस होरें गी उपराश्ट्रपति मेदवार उंदे अमरीकी फौज च अनुभव गी दिक्खदे होई बनाया गोआ ऐ।

<><><><><><>

Dr.S.Jaishankar

विदेश मंत्री डॉ. एस.जयशंकरन हुंदी मॉरीशस दी दऊं दिनें दी यात्रा अज्ज थमां शुरू होआ'रदी ऐ। इस यात्रा दरान ओह मॉरीशस दे प्रधानमंत्री प्रविंद जुगनौथ कन्नै मलाटी करगंन ते होर दुए बड्डे लीडरें कन्नै दपक्खी बैठक च हिस्सा लेंगन। डॉ. जयशंकर मॉरीशस दे मन्ने परमन्ने दे लीडरें कन्नै बी गल्लबात करगंन। विदेश मंत्रालय मूजब इस यात्रा दरान दौनें पक्ख गी आपसी सरबंधें दे बक्ख-बक्ख पैह्लुएं पर व्यापक चच्च दा मौका थ्होग। मंत्रालय दा आखना ऐ जे इस यात्रा कन्नै भारत ते मॉरीशस बश्कार सरबंधा दा महत्व उजागर होंदा ऐ ते भारत दी गुआंढी पैह्ले नीति बिजन सागर ते वैश्विक दक्खन क्षेत्र दे बचारें दे महत्व गी बल मिलदा ऐ।

<><><><><><>

SC

सुप्रीम कोर्ट नै अडानी-हिंडनवर्ग मामले दी जांच लेई एसआईटी चा माहिरें दे समूह दे गठन थमां इंकार करने आले अपने त्रै साल दे फैसले दे खलाफ दायर समीक्षा याचिका गी खारज करी दित्ता ऐ। समीक्षा याचिका पर गौर करने मगरा भारत दे मुख्क न्यायधीश डी.वाई. चन्द्रचूड ते फस्टीसन बी.पारदी वाला ते मनोज मिश्रा दी पीठ नै आखेआ जे रिकार्डें गी दिखदे होइ कोई त्रुटी नेई बज्झोंदी ऐ। अपने त्रै जनवरी दे हुक्म च सुप्रीम कोर्ट नै आखेआ हा जे संगठित अपराध ते भ्रष्टाचार रिपोर्टिंग प्रोजेक्ट ते हिजंउनवर्ग रिसर्च जनेह त्रीए पक्ख दे संगठने आस्सेआ तैआर कीती गोई रिपोर्ट गी निर्णायक सबूत नेई मन्नेआ जाई सकदा। स्वीच्च न्यायलय नै आखेआ जे मामले दे तथ्येंद ी बुनियाद पर एसईबीआई थमां जांच मताबक करने दी लोड़ नेई ऐ।

<><><><><><>

Civil Aviation

सिविल हवाबाजी दे मंत्री किंजरापू नायडू होरें आखेआ ऐ जे ब्हाई यात्रा गी अरामदायक ते कफायती बनाने लेई सरकार मता किश करा करदी ऐ तां जे यात्रिएं गी दूर दरेडे इलाके मोड़ी ब्हाई रस्तेया पुज्जने दी सहूलत उपलब्ध होई सकै। नमीं दिल्ली च दुए एशिया प्रशांत मंत्री स्तर दे सम्मेलन दे उद्घाटन समारोह च नायडू होरें सिविल हवाबाजी लेई निग्गर बुनियादी ढांचे दे निर्माण लेई सरकार आस्सेआ कीते जा'रदे कर्मे कारवाइएं पर लोह पाई। उनें कार्बन उत्सर्जन गी घट्ट करने लेई पर्यावरण दे अनुकूल तकनीकें गी अपनाने ते हवाबाजी दे क्षेत्र लेई हरित यानि कुदरत दे माफक तकनीकें गी प्रात्साहन देने पर जोर दित्ता। दूआ एशिया प्रशांत मंत्री स्तरी सम्मेलन इस ब'रे 11 ते 12 सितम्बर गी नमीं दिल्ली च लग्गो जेहूदे च इस क्षेत्र कन्ने जुडे दे हितधारत हिस्सा लैंगन ते भविक्ख दिएं कारवाइएं पर सलाह सूत्र करगंन।

<><><><><><>

IMD

भारती मौसम विभाग नै देसा दे पच्छमी हिस्से ते गुजरात खित्ते च अज्ज भारी बरखा पोने दी भविक्खवाणी कीती ऐ। मौसम विभाग नै आखेआ ऐ जे कोंकण, गोवा, मध्य महाराष्ट्र, गुजरात, तटीय ते दक्खन कर्नाटक दे अंदरूनी हिस्से, सौराष्ट्र ते कच्छ च अज्ज तगर बड़ी भारी बरखा बरने दी शँका ऐ। मौसम विभाग नै इनें इलाकें लेइ रैड अलर्ट ते केरल लेई ओरेंज अलर्ट जारी कीता ऐ। मौसम विभाग नै अगले चऊं दिनें दरान तेलंगाना, तटीय आंध्रप्रदेश, छत्तीसगढ़ ते उत्तरी कर्नाटक च बक्ख-बक्ख थाहरे पर भारी बरखा दी संभावना जताई ऐं मौसम विभाग दे वरिष्ठ वैज्ञानिक आर.के.जैनामानी होरें आकाशवाणी समाचार कन्ने गल्लबात करदे होइ आखेआ जे ओडिशा तट पर घट्ट दबाह दा क्षेत्र बनने कन्ने गुजरात, महाराष्ट्र ते कर्नाटक क्षेत्र च मानसून दी सक्रियता बधी ऐ।

<><><><><><>

Jammu Yatra Batch

श्री अमरनाथ जी की यात्रा पूरी चाल्ली रमानदारी ते बवस्था आले ढंगै सिर जारी ऐ। जम्मू दे भगवती नगर आले आधार शिविर थमां अज्ज बडलै 4 ज्हार 122 यात्रिएं दा 18मां जत्था सख्त सुरक्षा बंदोबस्त हेठ कश्मीर घाटी लेई रवाना होआ जेहदे च 2 ज्हार 872 मर्द, 1 ज्हार 168 महिलां, 18 न्याणे, 68 साधु ते 6 साध्वियां शामिल न जेहडे बडलै त्रै बजे 151 गड्डिएं दे कुले च सुआर होइयै बालटाल ते पहलगाम आले आधार शिविर पर रवाना होए। इंदे च 1 ज्हार 808 श्रद्धालु बालटाल लेई ते 2 ज्हार 324 श्रद्धालु पहलगाम लेई रवाना होए, जित्थुआं ओह अपनी अग्रे की यात्रा शुरू करगंन।

<><><><><><>

HM

केन्द्री गृहमंत्री अमित शाह वीरवारें नमीं दिल्ली च नार्को समन्तय केन्द्र(NCORD) की 7मीं शीघ्र स्तरीय बैठक की प्रधानता करगंन। श्री शाह राष्ट्रीय नारकोखिस हैल्पलाइन “मानस मादक पदार्थ निषेय सूचना केन्द्र” दा आगाज करगंन ते श्रीनगर च नारकोटिक्स कंट्रोल ब्यूरो दे इलाकाई दफतरे दा उद्घाटन करगंन। शाह होर एनसीबी की सलाना रिपोर्ट 2023 ते नशा मुक्त भारत पर सग्रह बी जारी करगंन। पर बैठक भारत च मादक पदार्थों की तस्करी ते गलत इस्तेमाल दा मकाबला करने च शामिल बक्ख-बक्ख केन्द्रीय ते राज्य सरकार की अर्जेसिएं दे जतनें दे आपसी सैहयोग ते तालमेल पर केन्द्रीत होग। इक ब्यान च गृह मंत्रालय नै आखेआ जे संस्थागत ढांचे की निगगर करने, सबै नार्को अर्जेसिएं बश्कार तालमेल ते व्यापक जन जागरूकता अभियान की त्रै सूत्री रणनीति 2047 तगर नशा मुक्त भारत दे लक्ष्य की हासल करोग।

<><><><><><>

Export India

भारत दा माल समेयान ते सेवाएं दा निर्यात जून म्हीने च 5.4 फीसद बधियै 65.4-7 अरब अमरीकी डॉलर होई गेआ ऐ। बपार ते उद्योग मंत्रालय आस्सेआ जारी आंकड़े मूजब अप्रैल कोला लेइयै जून म्हीने तोड़ी की त्रऊं म्हीने की अवधि दरान कुल निर्यात दा बाद्धा 8.6 प्रतिशत बधियै 200.3-3 अरब डॉलर होई गेआ ऐ।

कारोबारी निर्यात पिछले ब'रे दे मकाबले 2.5—5 प्रतिशत बद्ध दर्ज कीता गेआ ऐ जिसी खरा ते सकारात्मक मन्नेआ जा'रदा ऐ। इस ब8रे जून म्हीने च बपारिक निर्यात जिनें क्षेत्रें च बधेआ ऐ उंदे च मुख्ख तौरा पर इंजीनियरिंग क्षेत्र च बरतोने आला माल समेयान, इलैक्ट्रानिक, दोआइयां, कॉफी ते कार्बनिक ते गैर कार्बनिक रसैन बगैरा शामिल न।

<><><><><><>

Doda Encounter

डोडा जिले दे देसा इलाके च सुरक्षाबलें ते आतंकवादिएं बश्कार होए दे टाकरे च इक अफसर सने फौज दे 5 कर्मी। घायल होई गे न। आकाशवाणी दे जम्मू संवाददाता नै जानकारी दित्ती ऐ जे कल बडलै आतंकवादिएं दी मजूदगी बारे इक टकोहदी सूह थ्होने पर राष्ट्रीय राइफल्स ते जम्मू कश्मीर पुलस दे एसओजी दे सांझी टी नै जिले दे देसा घाटी गोट आले जंगली इलाकें दी घेराबंदी करियै तुपाई अभियान शुरू कीता जिस दरान रातीं 10 बजे कन्नै उत्थें मजूद आतंकवादिएं सुरक्षाबलें पर गोलियां चलाना शुरू करी दित्ती।

<><><><><><>

Swedish Open

स्वीडन ओपन टेनिस च भारत दे सुमित नागल अज्ज पुरुष एकल दौर च स्वीडन दे इलियास यमर कन्नै मकाबला खेडगंन।

<><><><><><>